

# MANUAL DE USUARIO

[versión 3, act. 19/06/2015]


Catálogo do libro electrónico galego de GaliciaLe

## Como buscar no catálogo do libro electrónico galego de GaliciaLe

A través do sitio web [catalogo.galiciae.gal](http://catalogo.galiciae.gal) podes navegar pola oferta de libros electrónicos que a plataforma pon á túa disposición.



Na páxina inicial tes acceso rápido aos títulos relevantes a través dunha serie de carruseis, onde atoparás unha selección de libros recomendados, destacados, os títulos máis prestados e/ou as últimas novidades do catálogo. Tamén dispós dun menú coas principais categorías do catálogo para facilitar o acceso a temáticas concretas.



Na parte superior podes realizar as buscas sobre o catálogo a través de palabras clave, por título, autor, materia, ISBN...

Para acceder á busca avanzada preme sobre “Procura Avanzada”, onde podes crear a túa estratexia de busca a partir de múltiples parámetros. Tamén atoparás a axuda para establecer sentenzas complexas de consulta do catálogo.

## Resultados

Unha vez realizada a busca ou seleccionada a categoría temática do teu interese aparecerán os títulos atopados no catálogo. Tamén se presentarán tópicos suxeridos relacionados coa túa busca e unha listaxe de facetas ou filtros creados a partir dos resultados encontrados. Deste xeito, podes filtrar por un autor, editorial, materia... Podes aplicar tantos filtros como consideres necesario para localizar un título.

## Filtrar por

## Autor

Casares Mourinho, Carlos (7)

Casares, Carlos (6)

Ameixeiras, Diego (5)

Fernández Paz, Agustín (5)

Aneiros, Rosa (4)

+ máis ...

## Idioma

Ano de publicación

Editorial

Repositorios

## Tópicos suxeridos... dentro da súa procura.

Literatura - - ficción. Novela y  
narrativa galega (63)      Literatura galega. Novela y  
cuento (50)  
Literatura galega. Outros      Literatura galega. Poesía (6)  
géneros (13)      máis ...

Amosando 1 - 20 de 162 Para procurar: 'literatura', Tempo de consulta: 0.05s

RSS Enviar por correo Gardar procura

Relevancia



## Modesta proposición e outros ensaios

Pereiro, Lois


"A modesta proposición para renunciar a facer xirar a roda hidráulica dunha cíclica historia universal da infancia, así como os artigos..."

ES, Edicións Xerais, 2011

ISBN: 9788499142463

Engadir nos favoritos

✓ Disponible



## Mary Wollstonecraft Shelley e a súa Criatura artificial

Queizán, María Xosé

"A escritora británica Mary Wollstonecraft Shelley despertou cedo o interese dos estudos feministas. A súa completa educación, pouco..."

ES, Edicións Xerais, 2011

ISBN: 9788499141794

Engadir nos favoritos

✓ Disponible



## Cantares gallegos

Castro, Rosalía de

"Rosalía de Castro contribuíu como ningún outro autor ou autora do seu tempo na xénese e afirmación do sistema literario galego..."

ES, Edicións Xerais, 2013

ISBN: 9788499144269

Engadir nos favoritos


✓ Disponible

Os resultados, por defecto, presentaranse ordenados por relevancia e podes subscribirte a esa consulta mediante RSS, enviala por correo electrónico ou gardala.

Os resultados amosan a portada, acompañados polo título, autor, resumo e os datos máis relevantes da obra. Tamén dispós de información sobre a dispoñibilidade e poderás marcar a obra como "favorita".



Ao premer sobre o título poderás acceder ao detalle descritivo da obra:



Na páxina de detalle atoparás:

1. Título.
2. Autor/es.
3. Acceso ao préstamo.
4. Accións de marcado, cita ou exportación a xestores de referencia.
5. Os formatos da obra.
6. O tipo de lectura (en liña/descarga).
7. Os datos descritivos máis amplos, con ligazóns a buscas nalgúns destes.
8. Ligazóns a redes sociais coas que compartir.
9. Etiquetar a obra.
10. Navegar polos resultados (seguinte e anterior rexistro).

11. Acceder a obras similares.
12. Realizar comentarios.

## Como obter un libro electrónico en préstamo

Para poder gozar dos títulos do catálogo en préstamo debes ser usuario dunha das bibliotecas da Rede de Bibliotecas Públicas de Galicia e dispoñer dun número de usuario e dun contrasinal de acceso.

### Inicio de sesión

Dende o teu ordenador persoal (PC ou Mac) ou dispositivo móbil (teléfono, tableta etc.) pulsa na opción "Entrar" que aparece na parte superior dereita da túa pantalla. Inicia a sesión introducindo os teus datos: o usuario e o contrasinal que che facilitaron por correo electrónico ao rexistrarte en GaliciaLe.

XUNTA DE GALICIA Rede de Bibliotecas de Galicia

Galego | Castelán

Servizo de Autenticación Centralizado

Por razóns de seguridade, por favor peche a súa sesión e o navegador web cando termine de acceder aos servizos que requiren autenticación.

Introduza o seu usuario e contrasinal

Usuario:  
[input type="text"]

Contrasinal:  
[input type="password"]

☐ Avísame antes de abrir sesión noutros sitios.

INICIAR SESIÓN limpar

XUNTA DE GALICIA © Xunta de Galicia. Aviso legal galicia

### A miña conta

Dispós dunha sección persoal onde podes ver os teus libros en préstamo, as túas reservas e os teus libros favoritos, etiquetas e buscas gardadas:

**Favoritos:** Xestión dos títulos favoritos, con creación de distintos grupos e clasificacións para a súa xestión.

**Copias emprastadas:** Libros en préstamo actualmente. Terás acceso ás opcións de lectura dispoñibles, á información de duración do préstamo ou á devolución anticipada (esta última opción só está dispoñible para a lectura en liña. En caso de que descargases o libro nun dispositivo, xa non poderás devolvelo anticipadamente).

**Reservas:** Reservas sobre libros. Disporás da posibilidade de cancelar a reserva.

**Perfil:** Contén información básica relativas aos teus datos.

**As miñas procuras:** Xestión de consultas gardadas para recuperar facilmente os contidos daquelas consultas do teu interese.

## Préstamo

Unha vez localizada no catálogo unha obra do teu interese, preme sobre o título para acceder a súa ficha detallada.


The screenshot shows the user interface of the GaliciaLe catalog. At the top, there are logos for GaliciaLe, Rede de Bibliotecas de Galicia, and Xunta de Galicia. Below the logos is a navigation bar with links: INICIO, PRESENTACIÓN, PRÉSTAMO, LECTURA, MANUAL DE USUARIO E PREGUNTAS FRECUENTES, and A SÚA CONTA. The main content area displays the book 'Ámote Leo A. Destino Xalundes' by Rosa Aneiros. The book cover is shown on the left. To the right of the cover, there are sections for 'Formatos disponibles' (with a PDF icon and a 'Copiar o texto' button) and 'Opcións de lectura' (with 'Ler en liña' and 'Descarga' buttons). Below the cover, there is a 'Sumario' section with a text description of the book. To the right of the main content, there is a 'EXEMPLARES SIMILARES' section listing other books by the same author. At the bottom, there is a 'Social' section with icons for Facebook, Twitter, Email, and RSS, and an 'Etiquetas' section with a tag 'Rosa Aneiros (1)'.

Nela atoparás tamén información sobre a dispoñibilidade do libro, con diferentes opcións:


- **Dispoñibilidade inmediata:** Podes realizar o préstamo sobre o libro.



- **Dispoñibilidade baixo reserva:** O libro non está dispoñible porque están a lelo outros usuarios. Neste caso tes a opción de reservalo para cando estea dispoñible. Cando o libro electrónico quede libre, recibirás unha mensaxe no teu correo electrónico.



- **Sen dispoñibilidade:** É posible que alcanzases o número máximo de préstamos de libros electrónicos (dous).



No caso de que o libro electrónico estea dispoñible e realices o préstamo premendo sobre o botón, este quedará automaticamente prestado ao teu nome e poderás gozar da súa lectura durante 21 días.

Podes coller en préstamo un máximo de dous libros electrónicos simultaneamente e podes reservar o mesmo número. O tipo de obras ás que podes acceder dependerá da categoría de usuario á que pertenzas (infantil ou adulto). Os usuarios infantís non poden coller en préstamo obras destinadas a adultos, en tanto que estes últimos si poden acceder ás obras destinadas ao público adulto e infantil.




## Como ler un libro electrónico

Unha vez que tomes en préstamo un libro electrónico, podes lelo en calquera dispositivo mediante descarga, en liña ou a través dunha *app*. Os navegadores precisados tanto para a descarga como para a lectura en liña son os seguintes:

- Mozilla Firefox: 10 ou superior
- Mozilla IceWeasel (Linux): 10 ou superior
- Google Chrome: 10 ou superior
- Opera: 15 ou superior
- Safari: 7 ou superior


### Lectura de libros electrónicos en liña mediante navegador web

Na conta de usuario, cada libro dá a opción de lelo en liña ou descargalo.






A lectura en liña está dispoñible para dispositivos móbiles, tabletas, lectores electrónicos, PCs, ordenadores portátiles ou calquera outro dispositivo con conexión a internet e navegador web.

No libro electrónico que desexes ler, pulsa o botón:



A aplicación de lectura adáptase ao tamaño da pantalla de cada dispositivo e posibilita modificar a interlinaxe, tamaño e tipo de letra, así como o formato da páxina.





## Lectura de libros electrónicos mediante apps en aplicacións iOS e Android

### **Comprobacións previas:**

Para ler os libros electrónicos mediante unha *app*, por favor, comproba:

- Que dispós dunha conta Adobe ID
- Se tes un dispositivo Apple, que o sistema operativo sexa iOS 6 ou superior.
- Se tes un dispositivo Android, que o sistema operativo sexa Android 2.2 ou superior.
- Que tes instalada unha *app* compatible con Adobe DRM (Bluefire Reader, Aldiko Book Reader...).

### **Lectura mediante *app*:**

Podes ler os libros electrónicos en dispositivos móbiles Android versión 2.2 ou superior e Apple iOS 6 ou superior. Para facelo, tes que descargar no teu

dispositivo unha das aplicacións gratuítas disponibles en Internet. Aquí che ofrecemos dúas delas:

- Aldiko Book Reader: dispoñible en Google Play Store para Android.
- Bluefire Reader: dispoñible en Google Play Store para Android ou en AppStore de Apple para iOS.

Podes consultar o manual de instalación e uso de ambas as dúas aplicacións en: <http://rbgalicia.xunta.es/descargas/1415967066.pdf>

## Lectura de libros electrónicos mediante descarga

Podes seguir os seguintes pasos cando tomes en préstamo un novo libro electrónico e queiras descargalo no teu ordenador persoal, xa sexa para lelo neste equipo ou para transferilo a outros dispositivos compatibles con Adobe DRM.

The screenshot shows the GaliciaLe website interface. At the top, there are logos for GaliciaLe, Rede de Bibliotecas de Galicia, and Xunta de Galicia. Below the navigation bar, the book 'Ámote Leo A. Destino Xalundes' by Rosa Aneiros is displayed. The book cover is on the left, and the title and author are at the top. Below the title, there are links for 'EXPORTAR REGISTRO', 'CITAR', 'ENVIAR ESTE POR CORREO', 'ENGADIR NOS FAVORITOS', and 'MARCADOR'. The 'Formatos disponibles' (Available formats) section shows 'Copiar o texto' (Copy text). The 'Opciones de lectura' (Reading options) section is highlighted with a red circle, showing 'Ler en liña' (Read online) and 'Descarga' (Download). The 'Descarga' option is selected. Below this, there is a 'Sumario' (Table of contents) section with a brief description of the book. The 'Autor principal' (Main author) is Rosa Aneiros. The 'Idioma' (Language) is Galego. The 'Publicado' (Published) date is ES, Edicións Xerais, 2013. The 'Edición' (Edition) is 1 ed. edición. The 'Series' is Infantil E Xuvenil - Fóra De Xogo E-Book. The 'Materias' (Subjects) are Literatura -- ficción, Novela y narrativa galega. At the bottom, there are social media links and a 'Etiquetas' (Tags) section with the tag 'Rosa Aneiros (1)'.

## Descarga de libros electrónicos no ordenador persoal

### Comprobacións previas:

Antes de descargar os libros electrónicos, por favor, comproba:

- Que dispós dunha conta Adobe ID.
- Que a aplicación Adobe Digital Editions está instalada no teu equipo.
- Que o teu equipo está autorizado en Adobe Digital Editions co teu Adobe ID.

Consulta o apartado final Configuración Adobe Digital Editions e Adobe ID para completar calquera dos requisitos precisos.

### Descarga de libros electrónicos no ordenador persoal:

Para descargar libros electrónicos tes que visitar o sitio web de [catalogo.galiciae.gal](http://catalogo.galiciae.gal) e identificarte cos teus datos de rexistro.

- Preme o botón “Entrar”.
- Introduce os teus datos de usuario e contrasinal, e pulsa o botón “Iniciar sesión”.
- Accede ás túas “copias emprastadas” premendo o botón “A miña conta”.



- No libro electrónico que desexes descargar, preme o botón:



- Xerarase un arquivo con extensión ACSM que, ao abri-lo, descargará automaticamente o libro electrónico en Adobe Digital Editions.



- O libro descargado aparecerá na ventá de Adobe Digital Editions.



- Ao completar estes pasos con éxito, terás descargado o libro electrónico no teu ordenador persoal e estará listo para lelo neste equipo ou ben para transferilo a outros dispositivos compatibles con Adobe DRM.

## Transferencia de libros electrónicos a outros dispositivos

### Comprobacións previas:


Antes de transferir os libros electrónicos, por favor, comproba:

- Que dispós dunha conta Adobe ID.
- Que o lector de libros electrónicos ou calquera outro dispositivo que elixas é compatible con Adobe DRM.

- Que o teu dispositivo está autorizado en Adobe Digital Editions co teu Adobe ID.

### Conexión do dispositivo:

- Inicia a aplicación Adobe Digital Editions.
- Conecta o dispositivo ao ordenador persoal usando o cable e seguindo as instrucións de conexión subministradas polo fabricante do dispositivo.
- Adobe Digital Editions detectará automaticamente o dispositivo e o amosará no apartado “Dispositivos” da ventá principal.



### Transferencia do libro electrónico:

- Selecciona co rato o libro electrónico que desexas transferir e arrástrao ao dispositivo.
- Ao completar estes pasos con éxito, terás transferido o libro electrónico desde o ordenador persoal a un dispositivo no que estará dispoñible para a lectura.

### Desconexión do dispositivo:

- Desconecta o dispositivo de forma segura.
- Para facelo, utiliza as instrucións de desconexión subministradas polo fabricante do dispositivo.



## Configuración de Adobe Digital Editions e Adobe ID

Para acceder aos libros electrónicos descargados no teu ordenador persoal deberás ter unha conta Adobe ID e a aplicación Adobe Digital Editions.



### Obter unha conta Adobe ID

Se aínda non dispós dunha conta Adobe ID, poderás obter unha no sitio web de Adobe:

- Visita a páxina de Adobe:

[https://www.adobe.com/cfusion/membership/?loc=es\\_es](https://www.adobe.com/cfusion/membership/?loc=es_es)

- Preme o botón “Creación dunha conta de Adobe”



Adobe ID

Iniciar sesión

Dirección de correo electrónico

Contraseña

☒ Permanecer con la sesión iniciada [¿Ha olvidado la contraseña?](#)

[Desactivar en dispositivos públicos.](#)

INICIAR SESIÓN

[¿Todavía no es miembro? Obtener un ID de Adobe](#)

Secure Server [Más información](#)

Una cuenta de Adobe. Infinitud de posibilidades.

- Enche os campos:

Adobe ID

Registrarse

Nombre Apellido

[Dirección de correo electrónico](#)

Contraseña

España

Fecha de nacimiento

Día Mes Año ?

☐ Manténgase informado sobre los productos y servicios de Adobe. [Más información](#)

☐ He leído y acepto las [Condiciones de uso](#) y la [Política de privacidad](#).

REGISTRARSE

[¿Ya dispone de un ID de Adobe? Inicie sesión](#)

Secure Server [Más información](#)

Una cuenta de Adobe. Infinitud de posibilidades.


- Ao rematar, o sistema amosará unha páxina de confirmación.
- Completados estes pasos con éxito, obterás unha conta Adobe ID cos datos seguintes:

- Adobe ID: o enderezo de correo electrónico que indicaches ao rexistrarte no sitio web de Adobe.
- Contraseñal: o contraseñal que especificaches ao rexistrarte no sitio web de Adobe.

## Descargar e instalar a aplicación gratuíta Adobe Digital Editions

- Visita o sitio web de descargas de Adobe Digital Editions


<http://www.adobe.com/es/solutions/ebook/digital-editions/download.html>




- Preme na ligazón de descarga (Windows ou Mac).

Podes elixir calquera das dúas versións de Adobe Digital Editions: ADE\_4.0\_Installer.exe ou 3.0 (as dúas son compatibles pero recomendamos a primeira xa que permite “autorizar” e “desautorizar” dispositivos facilmente).


- Preme o botón “Gardar arquivo”:




- Preme o botón “Executar”:



- Despois de ler e aceptar os termos de uso da aplicación, preme o botón “Seguiente”:




- Selecciona as opcións de instalación e preme o botón “Seguiente”:



- Selecciona o directorio de instalación e preme o botón “Instalar”:



- Unha vez completada a instalación, amosarase o botón "Pechar":



- Cando completes estes pasos con éxito terás instalada no teu equipo a aplicación gratuíta Adobe Digital Editions.

### Autorizar o equipo (ordenador persoal)

É necesario que o equipo quede asociado a túa conta Adobe ID para que Adobe Digital Editions che permita acceder aos libros electrónicos de GaliciaLe.

Estes pasos unicamente son necesarios a primeira vez que autorizas un equipo para unha conta Adobe ID:

- Inicia a aplicación Adobe Digital Editions.
- Abrirase a ventá principal da aplicación.

- No menú superior, selecciona a opción Axuda / Autorizar equipo
- Enche os campos seguintes:
  - No campo Proveedor selecciona "Adobe ID" (opción por defecto).
  - No campo "ID de Adobe" introduce o enderezo de correo electrónico co que te rexistraches
  - No campo "Contrasinal" indica o contrasinal co que te rexistraches en Adobe.
- Ao premer o botón "Autorizar", Adobe Digital Editions conectarase brevemente á Internet para comprobar os teus datos.
- Se os datos son correctos, Adobe Digital Editions amosará unha mensaxe de confirmación indicando a conta Adobe ID á que quedou vinculado o equipo.
- Completados estes pasos con éxito, terás autorizado o equipo para a túa conta Adobe ID e poderás abrir neste equipo os libros electrónicos que teñas en préstamo en GaliciaLe para esta conta Adobe ID.


### **Autorizar o dispositivo (ereader)**

Para transferir os libros electrónicos a outros dispositivos compatibles con Adobe DRM, deberás autorizar estes dispositivos para o teu Adobe ID a través de Adobe Digital Editions.


Estes pasos unicamente son necesarios a primeira vez que autorizas un dispositivo para unha conta Adobe ID:

- Inicia a aplicación Adobe Digital Editions.
- Conecta o dispositivo ao ordenador persoal. Para iso utiliza o cable e as instrucións de conexión facilitadas polo fabricante do dispositivo.
- Se o dispositivo é compatible con Adobe DRM, Adobe Digital Editions detectarao automaticamente e amosarao no apartado Dispositivos da


xanela principal.




- Selecciona o dispositivo no menú Dispositivos de Adobe Digital Editions:




- No menú “Dispositivos” preme sobre “Opcións do dispositivo” e selecciona a opción “Autorizar dispositivo”.



- Adobe Digital Editions amosará unha xanela con información sobre a autorización.



- Ao premer o botón “Autorizar dispositivo”, Adobe Digital Editions conectarase brevemente á Internet para comprobar os teus datos e, se son correctos, amosará unha mensaxe de confirmación na que indicará a conta Adobe ID á que quedou vinculado o dispositivo.



- Unha vez completados estes pasos con éxito podes transferir ao dispositivo os libros electrónicos que teñas en préstamo para esta conta Adobe ID.

### **Adobe Digital Editions non reconece o meu dispositivo**

Os libros electrónicos que o catálogo do libro galego de GaliciaLe ofrece en préstamo están protexidos polo sistema para a xestión de dereitos dixitais Adobe DRM, por iso é necesario que o dispositivo sexa compatible con ese sistema.

No caso de que Adobe Digital Editions non reconeza o teu dispositivo, pode deberse ás seguintes causas:

1. O dispositivo non é compatible con Adobe DRM:

Comproba na documentación do fabricante se o dispositivo é compatible con Adobe DRM.

Na web de Adobe podes consultar unha listaxe de dispositivos compatibles:

<https://blogs.adobe.com/digitalpublishing/supported-devices>

Se o teu dispositivo móbil non se atopa nesta listaxe, podes instalar as *apps* gratuítas Bluefire Reader ou Aldiko Book Reader que che permitirán ler libros electrónicos con DRM.

Os dispositivos Kindle de Amazon non admiten libros electrónicos en formato Epub protexidos con Adobe DRM excepto o modelo Kindle Fire Tablet, no cal poden lerse unha vez instalada a aplicación de lectura correspondente.

2. O dispositivo é compatible con Adobe DRM pero non é compatible co programa Adobe Digital Editions. Algúns fabricantes ofrecen programas ou métodos alternativos para algúns dos seus modelos:

- O modelo PRS-T1 de Sony utiliza o programa "Reader" de Sony no lugar do programa Adobe Digital Editions.
- Os modelos PRS-T2 y PRS- T3 de Sony permiten introducir a información da súa conta Adobe ID no dispositivo, de modo que é posible descargar os libros directamente da plataforma dende o navegador do dispositivo.



3. O dispositivo é compatible con Adobe DRM e Adobe Digital Editions pero non se conectou correctamente ao ordenador persoal

Segue as instrucións do fabricante do dispositivo para conectalo correctamente ao ordenador persoal.

### **Preguntas frecuentes**

Se segues a ter máis dúbidas ou tes algún problema técnico, podes consultar o apartado “Preguntas frecuentes” da páxina de inicio de GaliciaLe.

